

MY BIBLE FIRST

PRIMARY YEAR A
Q 3 #39

Gibeon Mite

SUNDAY

1


Israel te giahphual tawh a kigamlo khat ah Gibeon kici, a thupi mahmah khuapi khat a om hi. **Joshua 10:2.**

Canaan gam laizang leh a khanglam kikal a kawm khualzin mite in Gibeon khua nawk theizel uh hi. Israel mite in Gibeon khuapi a lak ding uh Canaan kumpite in deih lo uh hi. Pasion in Jericho leh Ai gam ah nalamdangte a bawlte thei khin uh himah leh, amaute in bang hihsawm veve uh hiam? **Joshua 9:1, 2.**

Tua kumpite lak-ah Hivite mite kihel hi. Gibeon khuapi sunga om Hivite mite in Israel Pasion pen, amau pasiante sang hatzaw cih um uh hi. Tua manin, kumpi dangte in Israel-te a do sawm hangun, Gibeon mite in Israel-mite a thukimpipna tawh amau suahtak theih nading geelna khat nei uh hi. Tua geelna in bang hiam? **Aneu 3-5.**

Gam palaite in gamdang pana amau gam ai-awh a hong paite ahi uh hi. Tua hangin gam-palaite in a etlawm, a zahtak-huai puan hoih mahmahte silh uh hi, banghang hiam cihleh, amaute in mi thupite ahi uh hi. Tua leh banghang in hih gampalaite mizawng khut-dawhngen bangin hong kithawi uh hiam? A khiat-na omlo hi. Ahi zongin amaute in a geelna khat uh a semkhia uh ahi hi.

Amaute a kithawi khit uh ciangin hong paikhia uh hi. Israel-te giahphual a tun uh ciangin Joshua hopih nuamin dong uh hi. Joshua leh upate in amaute a et uh ciangin koi pan hi a, bang deih uh cih ngaihsun kha thei ding uh hi. Amaute hong kipulak uh ciangin, bangci kigen uh hiam? **Aneu 6.**



KAMNGAH

Topa in zuaugente kih a, thuman tawh a nungtate pakta hi. **Paunak 12:22**

Lying lips are an abomination to the Lord, but those who deal truthfully are His delight.
Proverbs 12:22



NGAIHSUN-IN: *Nang a om hilecin, tua mite thugen na um diam? Kua in Joshua leh a nung-zuite kiangah, na ahih ding uh pen maan lo hi, cih gen thei ding hiam? Mite in hong khem uh ciangin khialbna lianpi i bawl khak loh nangin Pasion huh nuam hiam?*

MONDAY

2

Joshua leh upate in tua mikhualte limet mahmah uh hi. Zuau gen uh hiam? Thumaan a gen uh hiam? Pasion in Canaan mite tawh kilawmtat loh ding hilhkhoh khin ahih manin Joshua leh a pawlte a kiciat mahmah ding uh kism hi.

Thuciam bangzah in thupi cih na phawk lai hiam? Langnih in kiciamna bawl tuak uh a, langnih in zui tuak uh hi. Israel tate in Sinai ah Pasion tawh thuciam bawl uh hi. Ama Thupiak Sawmte a zuih uh leh thupha pia dingin Pasion in kamciam hi. Mite in ka zui mah ding uh hi, ci napi, a sawt het loin kham bawngno biak ding teel uh a, Pasion tawh a thuciamna palsat uh hi.

Israel mite in a kamciam bangun zui zolo ding ahih lam uh kithei lo uh hi. A kamciamte uh a zuih zawh nangun lampi khat bek om a, tua in Pasian up ding leh muan ding ahihna Pasian in amaute phawksak den hi. Ka zui ding uh hi, ci zelzel napi muanglah umlah pahpah uh hi. A muan theih uh ciangin Pasian in a lamdang nate bawl thei hi. A muan loh uh ciangin, Satan in amaute susia thei hi.



Joshua leh a lawmte in tua mite thugen limtak a ngaih uh ciangin, Pasian in Israel-te ading nalamdang tampi a bawlteng hih mite in a theih takpi lam uh theitheih ding uh hi. Israel upate in tuate' anlum keu leh lengghazu khingte etsak uh hi. **Joshua**

9:14 sim in. Pasian a dot masak lohna na phawk hiam?



NGAIHSUN-IN: *Kuamah dong selo in, na khatpeuh hih in, na buailawh ngei hiam?*

TUESDAY

Tua ni-in nang a om-in Gibeon mite thugen ngai kha lecin, amaute thugen a maan mah hi, ci lo ding nahiam? Amau etdan, hong lah vante, leh Pasian in Israel mite koici huh cih a gen thute uphuai ngel mah hilo hiam!

A tawpna ah Gibeon mite in Joshua leh a lawmte umsak zo uh hi. Ahi zongin, Joshua leh a lawmte in bang hih ding mangngilh uh hiam? **Joshua 9:14.**

A gamlate a mite tawh thuciam bawlina in lungmuan huai hi, ci-a a ngaihsut manun Joshua leh upate bang hih uh hiam? Israel mite in thumaan a muh nangun bangtan sawt hiam? Hih thupiang hangin mite in bangci om uh hiam? **Aneu 16-18.**

Israel mite heh uh hi. Gibeon mite nungtasak ding cih thuciamna a bawl khith uh hangin Israel-te in amaute that gai nuam uh hi. Ahi zongin, tua tawh kisai, Joshua leh Israel makaite in bangci gen uh hiam? **Aneu 19, 20.**

Amaute in nate adik in bawl hilo hiam? Amaute in a kamciam bangun a zuih ding uh thupi mahmah hi. Ahi zongin, Gibeon mite in zuauphuakna tawh huhna ngah thei lo ding ci hihna ngah ding uh hi.




NGAIHSUN-IN: *Gibeon mite' thu Joshua in Pasian dong masa hileh, Pasian in a gen tam? Na nu-le-pate'n hong phal loh, nang lam panin na hih nop*

teitei khawng aom hiam? Banghang in nu-le-pate in hong phal lo hiam? Naupangte' theih loh thute nu-le-pate in a thei uh hiam?

WEDNESDAY

Mittawte kiangah laidal avom le akang pawlkhat a pia dingin kingaihsun in. Tua khith ciangin laidal akangte teelkhiasak in. Amaute'n a teelkhialh vua leh na mawhsak thei ding hiam? Laidal avom a teel uh pen avom panin akang a kilaih thei hiam? Kilaih thei lo hi. Avom pen avom mah hi a, akang pen akang mah ahi hi.

Gibeon mite in Thupiak Sawmte a thei uh hiam? Theilo uh hi. Amaute in laidal avom le akang ateel mittaw-te bang uh hi. Pasian in amaute a telsiam hiam? Telsiam mah hi. Ahizong tua in azuau-te uh a kheel hiam? Kheel lo hi. Thumaan pen thumaan hiden a, zuau pen zuau mah hi tawntung hi. Pasian in thumaan gen a, Satan in zuau thu gen hi.




Pasian in Canaan pen Israel mite adingin Ama teci puak minam a suak thei dingin na teel khin hi. Amaute in leitung buppi ataan' khuavakpi tawh kibang ding uh hi. Canaan mite in Amah muangin a thu a man nadingun Pasian in hun tampi pia khin hi napi, amaute in Satan' khemna teel zaw uh hi. Tu in amaute in gilo lua uh a, a kisawhkha khempeuh a that thei a liphkhaphuai natna tawh kibang uh hi. Pasian in amaute kiskusiam mang ding hi acih pen a lamdang hi lo hi.

Ahi zongin, Pasian in mi khempeuh it cih mangngilh ngei kei in. Mi khempeuh in Amah a teel ding lunggulh hi. Rahab i phawk hiam? Rahab in Amah muan ding a teel zawk lam Pasian in thei hi. Gibeon mite in zong Ama vangliatna a up ding uh thei hi. Amaute in milim bia nuam nawn lo uh a, Pasian in zong Israel mite

susia sak lo hi. Tua manin, amaute in a suahtak nangin tua banga zuau a phuah dinguh kism lo hi.

Israel te adingin Pasian in Moses a piak a thupi thukhamte lak pan khat in, Israel mi ahi lo ahih zongin Pasian' mi ahi nuamte bangci bangin kibawl ding hiam cih thu hi. Hih Lai Siangtho munte sim in: **Siam 19:33, 34; Gam 15:14-16.**



© sweetpublishing.com; License—<http://creativecommons.org/licenses/by-sa/3.0/>



NGAIHSUN-IN: *A mite in leitung buppi' khua-vak hih ding pen Pasian' geelna sa hi a, tu in zong bilai hi. Nang leh na innkuanpihte koici bangin khuavak hi thei ding? Lampi bangzah na ngaihsun thei hiam?*

THURSDAY

5

“Hong huh un! Gibeon mite in Israel te pawlpih khin uh hi.” Hih thu hun tomno sungin hong kizel hi. Tu in a longso kumpite hong lau mahmah uh hi. **Joshua 10:1, 2** sim in.

Jerusalem kumpipa in adang kumpi lite a manlang in thu hong puak hi. Amah in bang thuphamawh gen a hiam? **Aneu 3-5** sim in.

Tua kumpi ngate' thu vaihawmna Gibeon mite in a theih uh ciangin a bangci ngaihsut uh diam? Amaute in Isreal te tawh thuciam bawl khin uh hi napi, zuau khem uh hi. Isreal mite a kamciamsa bangun a zui uh diam? Gibeon mite in bang hih uh a, Joshua in bang hih hiam? Tu in amah in Pasian dot ding a phawk kha hiam? **Aneu 6-9** sim in.

Bangzah in Gibeon mite lungkham ding uh hiam! Israel te hong tun ma in a galte un a khua uh suaksiak ding nasia tak in a vaihawm uh hi. Galte in manlang takin mual tung pan hong umcih uh a, Israel te in zong hong delhto pah uh hi. Galte mual pangkhat lam-ah pan a tai laitak un bang piang hiam? **Aneu 11** sim in. Gial, Pasian in gialpite kiasak hi. Ngaihsun in!

Ahi zongin Joshua mual dawn a tun ciangin, amah in vantung lam ento hi. Khua mial ma in hih galdona ki-man zolo ding cih amah in mu thei hi. A galte do loin vadelh lo hileh amaute in mual kawm tengah kibu mang ding uh a, tua khit ciangin amaute om hong kigawmkik in Gibeon mite dokik ding uh cih Joshua in thei hi.

Joshua leh a galkapte in galdona a zop lai ding uh kul hi. Ahi zongin koici do zawh ding? Khua mial ma hun kicing lo hi. Amaute in zan tha-pai gal kuan in, sun sungteng galte adelh hangun kuamah gim kisa lo uh hi. Amaute in hih galdona pen zo pelmawh ding cih bek thei uh hi.



NGAIHSUN-IN: *Pasian adingin a haksa bangmah omlo hi cih Israel mite in thei tading in na um hiam? Eite in zong i phawk ding hilo a hiam?*

FRIDAY

6

Amau leh amau a kihuhthe Pasian in huh hi cih a kigen na za ngei hiam? Pawlkhat in amau le amau a kihuh thei lote Pasian in huh hi, cih e leh na za ngei hia?

Lai Siangtho sungah a om kei zongin a tunga thu nihte a nih in saan theih thu hi, cih na thei hiam?

Ahang in Israel mite in amau hih theih zah hanciam uh a, Pasian in huh hi. Tu in amaute in adang nalam-dang khat kisam uh hi. Joshua in upna tawh thu pawlkhat pulaak khia dingin Pasian in huh hi. Pasian in a om ngeilo thu khat semkhia hi. **Joshua 10:12-15** sim in.

Gibeon mite leh Israel mite in Pasian tungah lungdam dingin na um hiam? Lungdam takpi uh hi.

Gibeon mite in Pasian up ding leh biak ding a teel manun Israel-te in pawlbawl in na muak ding uh cih theilo uh hi. Amaute in zuau agen uh hangin Pasian

in Joshua kiangah a kiciamna uh kheel ding gen lo hi. Israel mite in Gibeon te' khemna a theih uh ciangin susia nuam uh hita leh Joshua leh upate in bangci khensat uh hiam cih **Joshua 9:21, 25-27** sim in.

Nidang zah in mi thupi hi nawn lo a, amaute sila suak ding himah ta leh Gibeon mite lungkim uh hi. Joshua in a kamciamna peel loin, Pasian in a nuntakna uh a kepna hangin amaute lungdam uh hi.



NGAIHSUN-IN: *Tua ni-a galzawbna thusim pen Israel mite in amau lam pan a septheih tawp uh sem uh a, Pasian tungah zong kinga bikbek uh hi. Satan in hong*

ze-et ciangin koici bangin eite in zong tua galdona zo thei ding ibi hiam? Bangci ngaihsut na hiam? A masa in eite in thudik in i gamta ding hi. Tua khit ciangin i deihi-a, i deihi kei zongin, i ut-a i ut kei zongin i teelsa thu bangin i semkhia ding hi. Pasian in zuau kibel lo, thutang a i sep zawh nangin thahatna hong pia hi. Tua bangin i sep zelzel ciangin thutang taka i kalsuan ding hong baih semsem ding hi.



FURTHER STUDY: Joshua 9; 10:1–15; *Patriarchs and Prophets*, pp. 505–509; *The Bible Story*, vol. 3, pp. 96–101.



THE STORY CORNER

Elizabeth Amah-kia Koici Om

Adapted from *Scrapbook Stories* by Amy Sherrard

Khangcing-in tanu neu ka neih ciangin a sep nop bangbang ka semsak ding hi. Sangtuah ciangin a kimawl nop aleh zong inn ka ciah sak nai kei ding hi.” Hih pen Elizabeth in nitak khat sang pan hong ciah laitak-a a pau ahi hi. Amah in lungkim het lohna khat nei ahih lam kimu thei ziau hi.

A nu in tawmvei ngaisun deda hi. “Ka boihno Elizabeth aw, zingciang ni thapai, na utteng kong hihsak ding hi,” ci-in a nu in a gen ciangin Elizabeth in um zolo hi.

“Na takpi maw nu” ci in dong hi. A nu in ka takpi hi, ci-in dawngkik hi.

“Oh! Tu mahmah in zingciang hong tung ziau leh ut sing” ci-in Elizabeth in a inn kimkot ah a diankawm-in a nu kiang-ah gen hi.

A zingciang zingan a nek khith ciang in, Elizabeth in, “Tuni sang pai ding in ki um keng,” ci hi.

A nu in, “Nang ut bangbang hi ei” cihsan hi. Tua ciangin Elizabeth a inndeisungah tawmvei lutkik hi. Lupna puahin innhah ding cihte sawm lo hi. Ahi zongin, a den ciangin inn om ding a lungsim hong kheel a, inn pua ah tawmvei paikhithat ding ngaisun hi. A sawt loin Elizabeth inn nung sungkung nuai-a luai ah hong kivei hi. Nai lang khith ciang, cim kisa in inn sung hong lut kik a, a nu kiangah “Nu aw, nek theih khatpeuh ka ne thei diam?” ci-in dong hi.

Tua leh a nu in, “Na duh peuhpeuh na ne o, bawi” ci-in dawng hi. Tua ciangin Elizabeth in singgah tawh kibawl moh golpi khat hong ne hi.

Damdin in zing hun hong pai toto hi. Amah bek kimawl thapaih pen nuamsa lo himah leh, a nu kiang ah bangmah gen nuam lo hi.

Nitak annak hun hong tun taktak ciangin, Elizabeth a gil hong kial lua nai lo hi. “Denciang sangpai ning,” ci-in a annakna sabuai a nu’ siansak ding in nusihi. “Ahizong inn kong ciah baihi theih kei aleh na lungsimawh kei in,” ci sawnsawn a, a nu in poi kei ei, ci-in dawng hi.

Sangtuah khith ciangin, a lawmte pawlkhat in amau

tawh lui ah pai in tui ah kimawl ding in sam uh hi. Elizabeth in bukvei-in avot tawh kilem lo a, a cina thei kha ding ahih manin a nu in paisak nuam lo ding cih thei gige napi, a lawmte zuih teitei sawm hi.

Tui lak kimawh zong a upmawh zahin nuam hong sa lo hi. Numeinote tui kitheh in kimawl in amah zong hong theh uh hi. Kimawl nading hilel ci-in numei agol khat in tui sungah Elizabeth sawnsuk hi. Amah a kah ciangin a lawmte’n nuihsan uh hi.

Votsa lua, lungnuam lo leh dah mahmah kawm in a puante kawt in numeinonu inn hong ciah hi. A nu in, “Bawi aw, tu ni na ut bangin om khin teh. Tun na ut leh kikeusak in, alum in om thei niteh maw?” ci hi.

Nu ei! bawi aw, ci-in a nu in tuilum tawh kisilsak in puanlumte silhsak hi. Nitak-an sa vitvit alim mahmah zong pia hi. Lup hun hong tun ciangin, tangthu bu sim pih-in, a lupna a punza lum litlit sungah lum sak hi.

Nute ngeina bangin a nu in awnsuk in nam a, Elizabeth in a khut tawh a ngawng ah a nu hong kawi hi. Elizabeth in, “Jesu hoih mahmah hi, Amah in numeinote nu hoih mahmahte pia hi, cih ka um hi, banghang hiam cihleh nute in naupangte’ kisapte amau sangin thei zaw uh hi,” ci hi. Tua ciangin, a nu nui in amah nam leuleu hi.

Nang bangci ngaisut nahiam? Elizabeth thugen a maan hiam?



Additional resources: nature lessons, activities, music, Bible lessons, Scripture memory, and more.

My Bible First Copyright © 2015

Phone: 1-877-242-5317

Web: www.mybiblefirst.org • **E-mail:** sales@mybiblefirst.org

Unless otherwise noted, Scripture quotations are from the NKJV.